

Na osnovu člana 19. stav (1) Zakona o Vanjskotrgovinskoj komori Bosne i Hercegovine („Službeni glasnik BiH“ br. 30/01 i 72/13), čl. 3., 4., 5., 6., 7., 8., i 9. Pravilnika o postupku usklađivanja i registracije redova vožnje, načinu i postupku izdavanja dozvole i obrascu dozvole („Službeni glasnik BiH“, broj: 7/18) i člana 15. stav (3) Odluke o načinu obavljanja poslova ispitivanja usaglašenosti prijedloga reda vožnje sa odredbama Pravilnika, pružanja stručne pomoći strankama i sačinjavanju detaljnog izvještaja o prijedlogu reda vožnje koji je ispitivan, broj:01-2-01-2-190-10/18 od 06.02.2018. godine, generalni sekretar Vanjskotrgovinske komore Bosne i Hercegovine, donosi

I N S T R U K C I J U

o poslovima ispitivanja usaglašenosti prijedloga reda vožnje sa ispravkom

Član 1. (Predmet)

Ovom instrukcijom bliže se uređuju poslovi ispitivanja usaglašenosti prijedloga reda vožnje sa ispravkom, dostavljenog od strane Ministarstva komunikacija i transporta Bosne i Hercegovine (u daljnjem tekstu: Ministarstvo) i sačinjavanja detaljnog Izvještaja o prijedlogu reda vožnje koji je ispitivan, a u cilju osiguranja zakonitosti i ekonomičnosti postupka, kao i jednakog postupanja u poslovima ispitivanja usaglašenosti prijedloga redova vožnje sa odredbama Pravilnika.

Član 2. (Uslovi za definisanje prijedloga reda vožnje sa ispravkom)

- (1) Za prijedlog reda vožnje za koji je Vanjskotrgovinska komora Bosne i Hercegovine (u daljnjem tekstu: Komora) sačinila i dostavila detaljan Izvještaj o prijedlogu reda vožnje koji je ispitivan, a za koji Ministarstvo, u postupku usklađivanja reda vožnje, zatraži da Komora provede postupak ispitivanja prijedloga reda vožnje sa ispravkom, Komora će obaviti poslove ispitivanja usaglašenosti prijedloga reda vožnje i sačiniti detaljan Izvještaj o prijedlogu reda vožnje sa ispravkom.
- (2) Uz zatjev, Ministarstvo dostavlja Komori i prijedlog reda vožnje sa ispravkom, u kojem su otklonjeni nedostaci navedeni u Izvještaju Komore za početni prijedlog reda vožnje.
- (3) U postupku ispitivanja prijedloga reda vožnje sa ispravkom, u odnosu na početni prijedlog reda vožnje, Komora će ispitati da li se promjene odnose na:
 - a) smanjenje perioda održavanja,
 - b) smanjenje režima održavanja,
 - c) brisanje jednog ili više polazaka na redu vožnje,
 - d) brisanje stanica/stajališta,
 - e) promjena graničnih prijelaza država preko kojih se saobraća,
 - f) usklađivanje naziva početnog i krajnjeg mjesta na redu vožnje, u skladu sa početnom i završnom stanicom na redu vožnje,
 - g) usklađivanje udaljenosti stanica/stajališta od stanice polaska u kilometrima u skladu sa važećim Daljinarom,
 - h) usklađivanje naziva stanica/stajališta/graničnih prijelaza u skladu sa važećim Daljinarom,
 - i) usklađivanje oznake i broja ceste u skladu sa važećim Daljinarom ili oznake i broja ceste određene od strane upravitelja ceste,
 - j) usklađivanje rasporeda rada vozača,

- k) usklađivanje oznake države sa važećom oznakom za pojedinu državu,
 - l) usklađivanje vremena polaska sa graničnih prijelaza u skladu sa vremenima iz važećeg Daljinara.
- (4) Redu vožnje sa ispravkom dodjeljuje se ista početna oznaka uz dodatak **rednog broja ispravke** poslije početnog broja i oznaka „ISP“ na kraju oznake reda vožnje (npr. početna oznaka **A-1686/20** - nova oznaka **A-1686-1/20-ISP**).

Član 3.

(Postupanje sa redom vožnje na kojem su izvršene druge izmjene)

Ukoliko Ministarstvo, uz zahtjev dostavi prijedlog reda vožnje na kome su izvršene izmjene koje se ne odnose na izmjene definisane u Članu 2. ove Instrukcije, Komora će Ministarstvu dostaviti Obavijest da prijedlog reda vožnje ne zadovoljava potrebne uslove definisane za prijedlog reda vožnje sa ispravkom. Komora u ovom slučaju neće sačiniti Izvještaj o provedenom ispitivanju prijedloga reda vožnje koji je ispitivan.

Član 4.

(Ispitivanje usaglašenosti prijedloga reda vožnje sa ispravkom)

- (1) Organizacija i sprovođenje stručnih i administrativnih poslova koji se odnose na ispitivanje usaglašenosti prijedloga reda vožnje sa ispravkom i sačinjavanje detaljnog Izvještaja o prijedlogu reda vožnje koji je ispitivan, obavlja se u skladu sa važećom legislativom kao za početni prijedlog reda vožnje i ovom Instrukcijom.
- (2) Nakon provedenih poslova ispitivanja usaglašenosti prijedloga reda vožnje sa ispravkom, Komora će sačiniti detaljan Izvještaj o prijedlogu reda vožnje koji je ispitivan. Original izvještaja Komora će dostaviti Ministarstvu, a kopije prijevozniku koji je dostavio početni prijedlog reda vožnje i prijevoznicima koji su osporavali početni prijedlog reda vožnje.

Član 5.

(Naknada za obavljanje poslova ispitivanja prijedloga reda vožnje sa ispravkom)

Za prijedlog reda vožnje iz Člana 1. ove Instrukcije ne naplaćuje se naknada za obavljanje poslova ispitivanja prijedloga reda.

Član 6.

(Stupanje na snagu)

Ova instrukcija stupa na snagu i primjenjuje od dana donošenja.

Broj: 01-5-03-3-61/24

Dana: 15.01.2024. godine

